



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZP.Anr.32/2025

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët Hidajete Gashi Alaj, kryesuese, Kujtim Pasuli dhe Ramush Bardiqi, anëtarë, duke vendosur lidhur me ankesën e subjektit politik Kosovski Savez, me seli në Leposaviq, e paraqitur kundër subjektit politik Lista Serbe, me seli në Mitrovica e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Zgjedhjet e Parakohshme për Kuvendin e Republikës së Kosovës, që do të mbahen më datë 28 dhjetor 2025, në seancën e panelit të mbajtur, më datë 24.12.2025, merr këtë:

V E N D I M

I. PRANOHET e bazuar ankesa e subjektit politik Kosovski Savez, me seli në Mitrovica e Veriut, ZP.Anr.32/2025, e datës 23.12.2025, kundër Subjektit Politik Lista Serbe, me seli në Leposaviq, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Zgjedhjet Parakohshme për Kuvendin e Republikës së Kosovës, që do të mbahen më datë 28 dhjetor 2025.

II. Subjektit politik Lista Serbe, me seli në Mitrovica e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënim më gjobë në lartësi prej 30,000.00 (tridhjetëmijë) euro.

III. Detyrohet Subjekti politik Lista Serbe, me seli në Mitrovica e Veriut, që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

IV. Urdhërohet subjekti politik Lista Serbe me seli në Mitrovica e Veriut, që nga momenti i pranimi të këtij vendimi t'i largoj të gjithë posterat dhe materialet zgjedhore nga vendet e hapësirave publike, të përshkruara më ankesën e datës 23.12.2025.

A r s y e t i m

Me datë 23.12.2025, PZAP-i, ka pranuar një ankesë të parashtruar nga Subjekti Politik Kosovski Savez, ku pretendohet më datë 22.12.2025, aktivistët e subjektit politik Kosovski Savez kanë vërejtur se aktivistët e Listës Serbe në Komunën e Leposaviqit kanë vendosur materialin e tyre promociional në rrugën "24 Nëntori" në Leposaviq, në vendbanimin Çukarak,

ndriçimi rrugor dhe shtyllat elektrike, foto nr.2,3,4,5 dhe 6, në rrugën “Milan Radulović” në Krouna të Leposaviqit, foto nr.7,8,9,10, në Stacionin e Autobusëve në Kajkovë, drejtimi për në Lesk, foto nr.11 dhe 12, në Stacionin e Autobusëve Kajkovë, Drejtimi për në Leposaviq, foto nr.13 dhe 14, Stacioni i Autobusave në Dren, drejtimi për Leposaviq, foto nr.15 dhe 16, Stacioni i Autobusave Dren drejtimi për në Lesk, foto nr.17 dhe 18, në rrugën “Kopaonicka” ndriçimi rrugor Lesak, foto nr.19 dhe 20, në vendbanimin Gradjevac ndriçimi rrugor në Lesak, foto nr.21 dhe 22, në rrugën “Karadjordjeva” Lesak, foto nr.23 dhe 24, ndriçimi rrugor pranë Bibliotekës së Leposaviqit në Leposaviq, foto nr.25, në rrugën “7 Korriku” në Leposaviq, foto nr.26, në Soçanicë, objekt në pronësi të Agjencisë për Privatizim, përballë Shtëpisë së Shëndetësisë, foto nr.29 dhe 30, në fshatin Krushë, Soçanicë, Leposaviq, foto nr. 31 dhe 32, në rrugën nga “Socanica” drejt fshatrave Jevticë, Krsmalë, Mosnicë, foto nr.33, 34, 35 dhe 36, në Socanicë në Qëndër – Shesh, foto nr.37, 38 dhe 39. Parashtruesi i ankesës në cilësi të provës ia ka bashkangjitur ankesës fotografitë për shkeljet e pretenduara. Parashtruesi i ankesës thekson se me këto veprime është shkelur Rregullorja Zgjedhore nr. 7/2024. Andaj propozon që PZAP të pranojë ankesën si të bazuara dhe në përputhje me dispozitat ligjore të shqiptoj dënimet përkatëse ndaj subjektit politik Lista Serbe.

Subjekti politik Lista Serbe, ka paraqitur përgjigje në ankesë në të cilën ka theksuar se, ankesa e parashtruar e cila ka të bëjë me vendosjen gjoja të paligjshme të materialit promocional në vende ku kjo nuk lejohet, theksojnë se i njëjti person tashmë ka paraqitur ankesë në lidhje me të njëjtën shkelje të rregullave dhe se subjekti i tyre politik është gjobitur me një gjobë në shumën prej 20,000€, në bazë të ankesës Anr.25/2025. Tutje, në përgjigje shtojnë se këto fotografi janë bërë në të njëjtat lokacione nga kënde të tjera, në territorin e Komunës së Leposaviqit, dhe për këtë është në njohuri edhe vetë parashtruesi i ankesës. Andaj, kjo është një çështje e gjykuar dhe me të shkelet parimi *ne bis in idem*, duke kërkuar nga PZAP që të pranojë përgjigjen në ankesë si të bazuar dhe të hedhë poshtë ankesën e paraqitur nga subjekti politik Kosovski Savez.

Paneli Zgjedhor për Ankesa dhe Parashtrësia (PZAP), pasi që shqyrtoj të gjitha shkresat e lëndës vlerësoi se:

Ankesa është e bazuar.

Paneli pas shikimit të shkresave të lëndëve përkatësisht ankesës ZP.Anr.32/2025 provave të bashkangjitura në ankesë, përgjegjës në ankesë, vlerësoj se pretendimet e subjektit politik Kosovski Savez, janë të qëndrueshme dhe si të tilla i aprovoj si të bazuara, për faktin se veprimet e përshkruara në ankesën e parashtruar, se subjekti politik Lista Serbe ka vendosur materialin e tyre promocional në rrugën “24 Nëntori” në Leposaviq, në vendbanimin Çukarak, ndriçimi rrugor dhe shtyllat elektrike, foto nr.2,3,4,5 dhe 6, në rrugën “Milan Radulović” në Krouna të Leposaviqit, foto nr.7,8,9,10, në Stacionin e Autobusëve në Kajkovë, drejtimi për në Lesk, foto nr.11 dhe 12, në Stacionin e Autobusëve Kajkovë, Drejtimi për në Leposaviq, foto nr.13 dhe 14, Stacioni i Autobusave në Dren, drejtimi për Leposaviq, foto nr.15 dhe 16, Stacioni i Autobusave Dren drejtimi për në Lesk, foto nr.17 dhe 18, në rrugën “Kopaonicka” ndriçimi

rrugor Lesak, foto nr.19 dhe 20, në vendbanimin Gradjevac ndriçimi rrugor në Lesak, foto nr.21 dhe 22, në rrugën “Karadjordjeva” Lesak, foto nr.23 dhe 24, ndriçimi rrugor pranë Bibliotekës së Leposaviqit në Leposaviq, foto nr.25, në rrugën “7 Korriku” në Leposaviq, foto nr.26, në Soçanicë, objekt në pronësi të Agjencisë për Privatizim, përballë Shtëpisë së Shëndetësisë, foto nr.29 dhe 30, në fshatin Krushë, Soçanicë, Leposaviq, foto nr. 31 dhe 32, në rrugën nga “Socanica” drejt fshatrave Jevticë, Krsmalë, Mosnicë, foto nr.33, 34, 35 dhe 36, në Socanicë në Qëndër – Shesh, foto nr.37, 38 dhe 39, paraqesin shkelje nga ana e subjektit politik Lista Serbe, rrjedhimisht ky subjekt politik ka vendosur material promovues zgjedhor në hapësira publike (shtylla elektrike, vendbanime, stacione të autobusëve, fshatra, objekt në pronësi të Agjencisë për Privatizim, rrugë publike, shesh-qendër). Andaj me këto veprime ka shkelur dispozitat e nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose në hapësirat private pa lejen e pronareve ose shfrytëzuesve.”*

Subjekti Politik Lista Serbe ka qenë i njoftuar me obligimet dhe përgjegjësitë gjatë procesit të fushatës zgjedhore, andaj vendosja e materialeve promovuese në fushatë zgjedhore pa lejen e organeve kompetente, përbën shkelje të legjislacionit zgjedhor, të cilat shkelje janë sanksionuar me dispozitat ligjore të LZP-së.

Duhet pas parasysh se në këtë vendim janë përfshirë një numër i konsiderueshëm i shkeljeve të dëshmuara, ndërsa lartësia e dënimit i përgjigjet natyrës së shkeljes dhe praktikës së ndjekur nga paneli për raste të tilla. Pra, paneli, me rastin e vendosjes së lartësisë së dënimit si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, shkeljet e rregullave zgjedhore që ka bërë subjekti politik në fjalë në këto zgjedhje, respektivisht faktin se i njëjti subjekt ka qenë i njoftuar me rregullat zgjedhore, po ashtu është marr për bazë edhe përsëritja e shkeljeve të njëjta nga ana e këtij subjekti politik.

Paneli vlerëson se në rastin konkret subjekti politik Lista Serbe duhet që menjëherë ti largoj posterat dhe materialet tjera zgjedhore nga vendet ku janë të vendosura ato, ashtu siç janë potencuar me ankesën ZP.Anr.32/2025, të datës 23.12.2025, ndërsa dështimi për ti hequr apo kundërshtimi për t’iu bindur kësaj urdhëresë të PZAP-it, brenda periudhës së përmendur në vendim, paraqet shkelje tjetër të këtij ligji që mund të sanksionohet me dënim tjetër shtesë nga PZAP, ashtu siç është përcaktuar me nenin 120, par.2 të LZP.

Paneli ka vlerësuar edhe përgjigjen në ankesë të subjektit politik Lista Serbe, në të cilën kanë pretenduar se i njëjti person ka paraqitur ankesë në lidhje me të njëjtën shkelje të rregullave zgjedhore dhe se lidhur me këtë subjekt politik Lista Serbe është gjobitur me një gjobë në shumë prej 20.000 euro, kjo sipas Vendimit ZP.Anr.25/2025 të datës 22.12.2025, duke konsideruar se kjo është një çështje e gjykuar, mirëpo për Panelin këto pretendime nuk

qëndrojnë pasi që subjekti politik Lista Serbe në përgjigje në ankesë nuk ka bashkangjitur asnjë provë që do të dëshmonte të kundërtën e pretendimeve ankimore dhe provave të bashkangjitura nga pala ankuese. Andaj, pretendimet e tilla mbetën vetëm në nivel deklarativ dhe të pa argumentuara me prova konkrete.

Andaj, duke u mbështetur në nenin 117.3 të LZP-së ku përcaktohet se: *“vendosja për ankesat nga PZAP-ja mbështetet në dëshmi të qarta dhe bindëse”*, Paneli vlerësoj se pretendimet e palës ankuese janë të qëndrueshme dhe si të tilla i pranoi si të bazuara, sepse shkeljet e tilla kane të bëjnë me Kodin e Mirësjelljes, e që i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod, me qëllim të krijimit të kushteve të favorshme që gjatë periudhës së fushatës, veprimet e subjekteve politik të jenë në një atmosferë të tolerancës, demokracisë, paqes dhe respektit për sundimin e ligjit. Në rastin konkret veprimet e përshkruara në ankesë nga parashtruesi i ankesës paraqesin shkelje të dispozitave të lartcekura, dhe të njëjtën siç është cek me lartë e pranoi si të bazuar.

Andaj, Paneli ka vlerësuar se veprimet e subjekti politik Lista Serbe janë në kundërshtim me nenin 34 par. 1 nën paragrafi 1.2 dhe nenin 120 par. 2 të Ligjit NR.08/L-228, për Zgjedhjet e Përgjithshme në Republikën e Kosovës. Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nën parafi 1.3 dhe 2 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrës
ZP.Anr.32/2025 më datën 24.12.2025

Kryesuese e Panelit
Hidajete Gashi Alaj



Këshillë Juridike: Kundër këtij vendimi është e lejuar ankesa sipas nenit 118 paragrafi 4 të Ligjit Nr. 08/L-228 Për zgjedhjet e përgjithshme në Republikën e Kosovës, në Gjykata Supreme të Kosovë, brenda 48 orëve nga momenti i marrjes-pranimi të këtij vendimi.